



Badener Tagblatt
5401 Baden
058 200 58 58

Medienart: Print
Medientyp: Tages- und Wochenpresse
Auflage: 22'928
Erscheinungsweise: 6x wöchentlich

Themen-Nr.: 034.026
Abo-Nr.: 3001218
Seite: 29
Fläche: 19'494 mm²

BADEN-BALLADEN Simon Libsig macht sich einen Reim auf das Badenfahrt-Motto «Versus»

«Vers us Bade»

Liebs Bade,
Mängisch bisch Du wie Corti Wü
lus Müllerbräu-Zapfhahne,
wie am Geri sini Underhose als Stadtfah-
ne.
Wie d'Spanisch-Brötli-Bahn mit Turbola-
der vo de ABB,
wie s'Schwümmbi Bade am Kapi-See.

Wohnig i de Altstadt,
Ich find de Botta-Bau en Saich, aber hoffe,
er findet bald statt.

Ich möcht is Bio-Lädeli und in Starbuck's,
Ich rauche nöd, und nimm trotzdam gärn
im Trotti oder de Bistro-Bar Platz.
Bade, ich freu mi uf die «Versus»-Bade-
fahrt,
die wird sicher schön, aber hart.

Du bisch Palino und Stella,
möchtsch langsam wachse, aber s'muess
schnell gah.
Du vergüdisch Thermalwasser, wotsch
aber spare,
Du liehsch a de Limmat, aber spienzlich
über d'Aare.

100 Coiffeur-Salons ghöret zu Dim Lade-
Mix,
und de Wiehnachtsbaum umtue, findsch,
schadet nix.
Parteiisch wird bi Dir über d'Nacht partei-
los,
für d'Ufregig hesch s'Casino, und für d'Er-
holig vis à vis de Freihof.

Id Metzgerei Müller oder zu de Beate Use
für d'Fleischesluscht?
Bedütet e Niederlag vom FC Bade oder
s'Benäh vo sine Hooligans am meischte
Fruscht?
Is Trafo oder is Royal für grosses Kino?
Wer het mit em Budget meh Erfolg?
D'Stadt oder de Migrolino?

Bade, Du treisch i Dir, wie ich, vill Wider-
spruch und Gägesatz,
und ich bin froh, hät bi Dir mis Läbe
Platz.
Ich möcht in Himmel und in Tüfelschäl-
ler,
im Isebähnli s'Schnitzel und de Spaghet-
ti-Täller.

Ich möcht id Chischte go tanze und e



Libsig liest seine BT-Kolumne
auf www.aargauerzeitung.ch



SIMON LIBSIG
AUTOR UND POET AUS BADEN

Der Spoken-Word-
Poet (38) schreibt nach
«Leichtes Kribbeln» zur-
zeit an seinem zweiten
Roman. Seine Kolumne
erscheint immer am
ersten Donnerstag im
Monat.